

1 TESALONICENSES

Pablosā Tesalónica marārē ōādoredea

1 ¹Yu Pablo, yu merāmarā Silvano, Timoteo merā musā Tesalónica marārē Jesúre bñremurārē ōādorea. Musā Marīpuyarā, marī Opu Jesucristoyarā āārā. Irasirigu musārē i papera pūrē gojāa. Marīpu āārīngū, marī Opu Jesucristo musārē ōārō iritamū, siuñajārī merā āārīrikumakū iriburo.

Pablo, Tesalónica marā Jesúre bñremurīrē gojadea

²Gua Marīpūre musāya āārīburire sērēbosarā, musā ōārō iririre gūñāa. Irasirirā īgūrē: “Mu iritamurī merā ōārō yāma”, ārī, usuyari sīnīkōāa. ³Īgūrē sērērā, āsū ārī sērēa: “Guapu, Tesalónica marā mu magū Jesucristore bñremusīā, īgūyare ōārō irirā yāma. Maīrī merā gajerārē ōārō iritamuma. Marī Opu Jesucristo dupaturi aariburire usuyari merā yūsīā, ñerō tarikererā gūñaturama. Irasirigu īgūsārē irire iriduúbirimakū irika!” ārī sērēa. ⁴Guayarā, Marīpu musārē maīmi. Īgūta musārē beyedi āārīmī, īgūyarā āārīburo, ārīgū. Gua irire masīa. ⁵Musārē Jesús masakare tauri kerere wererā, gua masīrī merā werebirību. Ōāgū deyomarīgū turari merā gapu musārē iri kerere werebu. Gua musārē ōārō iritamudeare masīsīā, gua iri kerere weremakū pérā: “Diyeta āārā”, ārī masību.

⁶Irasirirā, gua irideare īānerā āārīsīā, gua iriderosū, irasū āārīmakū Jesucristo iriderosū irirā dujapu. Ñerō tarikererā, Ōāgū deyomarīgū iritamurī merā Jesúya kerere usuyari merā pé, bñremunūgābu. ⁷Musā irasirideare pérā, āārīpererā Jesúre bñremurā, Macedonia nikū marā,

ōō Acaya nikū marā: “Marīdere īgūsā irirosūta āārīrikuro gāāmea”, ārīma.

⁸Musā merāta āārīpererogue marā marī Opu Jesúya kerere pépereakōāñurā. Macedonia marā, Acaya marā dita iri kerere pérā meta iriñurā. āārīpererogue marā musā Marīpūre bñremurīrē masīsīañurā. Irasirirā gua īgūsārē irire werenemobirikoa. ⁹Īgūsā gapu gua musā pūro ejamakū, musā guare ōārō bokatīrīñeadeare gajerāguere werema. Gaji musā keori weadeare bñremurīrē pirikōā, Marīpu gapure buremu, īgū gāāmerī direta irinūgādeare werema. Īgū diayeta Marīpu okanīgū āārīmī. ¹⁰Musā, īgū magū Jesús ūmūgasigue āārīgū i ūmūgue dupaturi aariburire ōārō usuyari merā yūrā iriayuro. Marīpu Jesúre boadiguere masūdi āārīmī. Jesúta marīrē peamegue bñro wajamoāsūbonerārē taugū āārīmī.

Pablo Tesalónicague īgū buedeare gojadea

2 ¹Guayarā, musā ire ōārō masīa. Gua musā pūro āārīrā, ubu āārīrīrē irirā meta irību. Gua buerire pérā, wārā musā Jesúre bñremunūgābu. ²Gua musā pūro waaburi dupuyuro Filipogue āārībū. Gua iroque āārīmakū, iro marā guare ñerō iri, ñerō ārī bñridama. Musā irire masīa. Musāya makā marāde guare ñerō iriduakerepuru, Marīpu guare iritamumi. Irasirirā gūiro marīrō gūñaturari merā īgū masakare tauri kerere musārē werebu. ³Gua musārē: “Iri kerere bñremuka!” ārī wererā, diayema āārīrīrē bñremumakū gāāmebu. Musārē ñerō iriduārā, ārīgatori merā buerire bñremumakū iriduārā meta irību. ⁴Marīpu īgū gāāmederosūta guare

ĭgũ masakare tauri kerere weremurārē beyepīdi āārīmī. Irasirirā, masaka gua merā usyaburo, āārīā meta iri kerere werea. Marīpũ gāāmerī gapure iriduarā, irire werea. ĭgũta āārīpereri marī gũnarīrē ĭāmasīgũ āārīmī. ⁵Musā masīa. Gua musā puro āārīrā, musārē ōārō werenígatori merā gua gāāmerīrē irimakũ iriduarā meta iribu. Musārē niyerure āiduarā ārīgatori merā wererā meta iribu. Marīpũde irire masīmi. ⁶Gua Marīpũya kerere wererā, musā guare: “Ōārō buema”, ārīmakũ iriduarā meta yāa. Gajerāde guare irasũ ārīmakũ neō gāāmebea. ⁷Gua, Cristo buedoregũ beyepīnerā āārīsīā, musārē: “Guare iritamuka!” ārībonerā āārīkererā, neō irasũ ārībiribu. Sugo pago igo pūrārē maīrī merā ōārō korerosũta musārē maīrī merā ōārō korebu. ⁸Musārē bũro maīsīā, Marīpũya kerere ōārō iriduari merā buebu. Āārīpereri gua irimasīrī merā musārē iritamubu. Musārē maīsīā, irasiribu. ⁹Musā guayarā, gua musā merā āārīrā bũro moādeare gũñakoa. Musārē Marīpũya kerere buerā: “Guare iritamuka!” ārīduabirisīā, gua baaburire wajarimurā ũmũrī, ñamirī moābu.

¹⁰Gua iririkũrere musā masīa.

Marīpũde masīmi. Gua, musā Jesũre bũremurā merā āārīrā, gua musārē ōārō irirā, diayema iribu. Irasirirā gajerā guare: “Ñerō yāma, waja oparā āārīma”, neō ārīmasībirima. ¹¹Idere musā masīa. Sugu pagũ ĭgũ pūrārē ōārō wereri merā ĭgũsārē gũñaturamakũ irirosũta gua musādere āārīpererārē irasiribu. ¹²Marīpũ musārē ĭgũyarārē dorerogũ ĭgũ ōārō gosesasirirogue musā āārīmurārē beyedi āārīmī. Irasirirā musārē ĭgũyarārē: “ĭgũyare ōārō irinĩkōaka!” ārī werebu.

¹³Gua musārē Marīpũya kerere weremakũ pērā, musā: “ĭ Marīpũya werenĩrĩgora āārā”, ārī bũremubu. “Masakaya werenĩrī meta āārā”, ārību. Gua, musā irasirideare gũñarā, Marīpũre usuyari sīnĩkōāa. ĭgũ musārē ĭgũya kerere bũremurārē iri merā musā gũñarīrē, musā iririre ōārī gapure

gorawayumakũ yāmi. ¹⁴Guayarā, musā Jesucristore bũremurā āārīmakũ ĭārā, musāya nikũ marā musārē ñerō tarimakũ iriañurā. Musārē waarósũta Judea nikũ marādere Marīpũyarādere waaró iriayuro. ĭgũsā Jesucristore bũremurā āārīmakũ ĭārā, ĭgũsāya nikũ marā judío masaka ĭgũsārē ñerō tarimakũ iriañurā. Judío masaka Jesũre gāāmemerā āārīsīā, ĭgũrē bũremurārē ñerō tarimakũ iriañurā. ¹⁵ĭgũsā ñekūsāmarā Marīpũya kerere weredupuyunerārē wējēderosũ, marī Opũ Jesũdere wējēnerā āārīmā. Guadere gua musāya makāgue āārīmakũ, ñerō iri, bėowiuma. Marīpũ, ĭgũsā irasirideare neō gāāmebemi. ĭgũsā āārīpererārē gāāmebema. ¹⁶Judío masaka āārīmerārē peamegue waabirikōāburo, āārīā, gua ĭgũsārē Jesũyare buedũamakũ, judío masaka Jesũre gāāmemerā guare kāmuteduadima. Guare ĭgũyare weredorebirima. Irasirirā ĭgũsā ñerō iririre nemorō irisīā, wāro waja opama. ĭgũsā daporata Marīpũ bũro wajamoāsũmurā dujasiama.

Pablo Tesalónica marārē ĭgũ dupaturi ĭāgũ waaduarire gojadea

¹⁷Guayarā, gua musā pũrogue āārānerā wiridero purũ mērōgā tarikererũ, musārē gũñanĩkōā, dupaturi bũro ĭārā waadudibu. ¹⁸Wārĩ gua musārē ĭārā waadudibu. Yũ Pablo wārĩ: “Irogue waagura”, ārīnadibu. Gua waaduariku, wātĩ gapũ gua waaduarire kāmutanami. ¹⁹⁻²⁰Musāta guare usuyamakũ irirā, guare musā ōārō iriburimarē gũñaturamakũ irirā āārā. Irasirirā musārē ĭārā waadudibu. Marī Opũ Jesucristo ĭ ũmũgue dupaturi aarimakũ, musā ōārō irideare gũñarā, gua ĭgũrē: “ĭgũsāta āārīma, guare bũro usuyamakũ irinerā. Gua mũyare buemakũ pērā, murē bũremunũgāma. Mũyare ōārō irityuanĩkōāma”, ārī wererākoa. Irasirirā musā merā bũro usuyāa.

3 ¹⁻²Musāya kerere pėduarā bokatĩbirikubu. Irasirirā,

Timoteore: “Īgūsārē ĭāgū waaka!” āri iriubu. “Gua gapu Atenague dujarākoa”, āriubu. Timoteo marīyagu, Marīpūre moāboegu, gua merā Jesucristoya kerere buegu āārīmi. “Īgū Jesúyare buemakū pérā, gūñaturari merā ĭgūrē būremunemorākuma”, ārīrā, ĭgūrē iriubu. ³Musā Jesucristore būremurī waja gajerā musārē ñerō iriñurā. Irasirirā, musā Jesúyare neō piribirikōāburo, ārīrā, Timoteore musā pūroge iriubu. Marī Jesúsre būremurī waja gajerā marīrē ñerō irirākuma. Irire masīa musā. ⁴Iro dupuyuro gua irogue musā merā āārīrā, irire āsū āri wesiabū: “Marī Jesúsre būremurī waja ñerō tarirākoa”, āriubu. Gua āriderosūta gajerā marīrē ñerō irirā yāma. Musā irire masīsiāa. ⁵Irasirigu, musārē: “ĶJesúre gūñaturari merā būremunīkōākuri?” āri sērēña, musāya kerere péduagu bokatiūbirisiā, Timoteore iriubu. “Gūñaturanerāre gajipoe irigu wātī ĭgūsārē Jesúya buerire būremuduómakū irikumi, gua irire ubugora bueyo”, āri gūñarikubu. Irasirigu Timoteore musā pūroge iriubu.

⁶Daporare, Timoteo, musārē ĭāgū ejadi oōguere goejasiami. Īgū oārī musāyare kereku goejami. Musā piriro marīrō Jesúsre oārō gūñaturari merā būremurīrē, musā gāme maīrīrē, guare were goejami. Guare maīrī merā gūñanīkōāyuro. Gua musārē ĭāduarosūta, musāde guare būro ĭāduayuro. ⁷Irasirirā, musā Jesúsre būremurīrē pérā, gua ñerō tarikererā, oārō wujupūrākuri merā usuyāa. ⁸Marī Opū Jesúsre musā būremunīmakū pérā, dapagueta siuñajārī opāa. ⁹Irasirirā musārē gūñarā, Marīpūre būro usuyari siā. Nasiri usuyari sībokatīūmasīña máa. ¹⁰Ūmurī, ñamirī Marīpūre: “Gua ĭgūsārē ĭārā waaburire āmbosaka!” āri, būro sērēa. Musārē Jesúya kerere weryuwarikurā waaduakoa, ĭgūrē oārō būremunemoburo, ārīrā.

¹¹Marīpū āārīngū, marī Opū Jesucristo guare iritamuburo. Guare

musārē ĭārā waaburire āmu, iriuburo. ¹²Marī Opū musārē nemorō gāme maīwāgānīmakū iriuburo. Gua musārē maīrōsūta musāde gajerā āārīpererārē gāme maīnemomakū iriuburo. ¹³Musārē ĭgūrē piriro marīrō oārō gūñaturari merā būremunīmakū iriuburo. Irasirirā, marī Opū Jesús āārīpererā ĭgūyarā merā i ūmugue dupaturi aarimakū, Marīpū āārīngū ĭūrōgue ĭgū iritamurī merā ñerī marīrā, waja opamerā āārīrākoa.

Pablo Jesúsre būremurārē: “Marīpū gāamerī direta irika!” āri gojadea

4 ¹Daporare marī Opū Jesús doreri merā musārē āsū āri werea: “Gua musārē: ‘Āsū iriro gāamea’, āri buederosūta irika, Marīpū gāamerī direta irimurā! Daporare musā ĭgū gāamerīrē irirā iriayuro. Irasirirā: ‘Irire nemorō irinemoka!’ ” āri werea. ²Gua buedeare musā masīa. Irire buerā, marī Opū Jesús doreri merā musārē buebu. ³Marīpū musārē ñerī marīrā āārīmakū gāamemi. Irasirirā: marāpo marīrā, marāpokurā, marāpū marīrā, marāpukurā gāmebiririkōāka! ⁴Musākū ñerō iri ĭmurō marīrō gopeyarī merā musā marāposā nomerē opaka! Gajerā musā irasirimakū ĭārā: “Oārō yāma”, āri ĭārākuma. ⁵Marīpūre masīmerā irirosū, oamerē ñerō iriduari merā waribejabirikōāka! ⁶Muyagu marāpore gāmebirarā, igo marāpudere ñerō irikoa. Irinorē iribirikōāka! Marīpū irasirirānorē būro wajamoāgukumi. Gua musārē irire wesiabū. ⁷Marīpū marīrē ñerīrē iriuburo, ārīgū meta beyepīdi āārīmī. Īgū gāamerī direta iridoregu, marīrē beyepīdi āārīmī. ⁸I buerire gāamemerā, gua direta gāamemerā meta yāma. Marīpudere gāamebema. Marīpū marīrē ĭgū gāamerī direta iridoregu, Oāgū deyomarīgūrē iriudi āārīmī. Oāgū deyomarīgū ñerī opabi āārīmī.

⁹Musā sugu pūrā irirosū gāme maīrī tamerārē gojabea. Marīpū ĭgū basi musārē gāme maīdoresiadi āārīmī. ¹⁰Musā irasīta iriayuro. Marīpū musārē dorederosūta āārīperero Macedoniague

ääripererä Jesúre buremuräre maíayuro. Musä gáme maíri merä ääríkerepuru: “Nemorö gáme maínemoka!” äri werea. ¹¹Gáme iaturiro maríro öärö äärírikuka! Gajeräya äärírinorë güñariku, igüsäre werewuabiriköäka! Musäyama ääríburu gapure güña, öärö moäríku, ääríköäka! Gúa musä purogue äärírá, ire musäre weresiabu. ¹²Musä öärö moärä, gajeräre baari sërëbirikoa. Musä moärí merä musä baaburire oparäkoa. Musä irasirimakü iärä, Jesúre buremumerä gopeyari merä musäre iäräkuma.

Pablo marí Opü dupaturi i ümugue aariburire gojadea

¹³Güayarä, musäre boanerä waaburire wereduakoa, irire masíburo, ärigü. Jesúre buremurä boarä, igü merä äärírinrä waaräkuma. Musä irire masírá, musäyarä Jesúre buremurä boamakü, büro bujawerebirikoa. Jesúre buremumerä gapu, igüsäyarä boamakü, büro bujawereräkuma. Igüsä irirosü büro bujawerebirikoa. ¹⁴Marí ire buremua. Jesús boadigue masädi äärími. Igü dupaturi i ümugue aarimakü, igüre buremurä boaneräre Marípu igüre masüderosüta igüsäre masügukumi. Masü odo, igü äärírógue äimuríagukumi.

¹⁵Marí Opü Jesús weredeare musäre werea. Jesús dupaturi i ümugue aarimakü, igüre buremurä boanerä masä, äimuríásüräkuma. Igüsä puru, marí Jesúre buremurä okaräde äimuríásüräkoa.

¹⁶Äsü waarokoa. Marí Opü Jesús igü basita ümugasigüe äärídi büro turaro wereníri merä aarigukumi. Igü aarimakü, Marípure wereboerä opude werenígukumi. Marípyaru puridirude busurokoa. Irasü waamakü, Jesúre buremurä boanerä masäpuroriräkuma.

¹⁷Igüsä puru, marí okaräde Jesúre buremurä, igüsä merä mikäyeborigue muría, iroque Jesúre bokatíiräkoa. Ümugasigüe igü merä ääríniköäräkoa.

¹⁸Musä basi irire gáme wereníka! Irasírinä gáme güñaturamakü iriräkoa.

5 ¹Irinu, iropä äärímakü, Jesús dupaturi aarigukumi, ärrí

tamerä masíña máa. Irasirigu iri tameräre gojabea. ²Musä masísiäa. Sugu yajarimasü ñami merä güñaña maríro yajagu ejarosü, Jesúde marí güñabiriripoe ejaçukumi. ³Jesúde buremumerä igü dupaturi aariburi dupuyurogäre: “Gúa güiro maríro öärö ääríköä”, äri güñaräkuma. Igüsä irasü güñaripoere igüsäre wári ñeri waarokoa. Sugo nomeö nijipo äärígo, majígu nijiwägügo purísürösü, Jesúde buremumerä irasüta güñaña maríro büro ñerö tariräkuma. Neö sugu taribirikumi. ⁴Masaka Jesúde buremumerä, naítíarögue äärírá irirosü ääríma. Musä gapu igüsä irirosü ääríbea. Irasírinä Jesús dupaturi i ümugue aarimakü, yajarimasüre iägukarä irirosü waabirikoa. ⁵Musä äärípererä Jesúyarä äärä. Irasírinä ümu boyorogue äärírá iämasírosü Jesús aariburire masía. Jesúde buremumerä gapu naítíarögue äärírá irirosü ääríma. Irasírinä ñami merä iämasíberosü Jesús aariburire masíbema. ⁶Irasírinä ñami merä kärírá irirosü ääríbiriköärä marí! Jesús dupaturi aariburire güñamerä, kärírá irirosü ääríma. Marí gapu igü aariburire pémasíri merä güñanföörä! Mejärä irirosü iribiriköärä! Diayema gapure irirá! ⁷Masaka ñamirë käríkuma. Mejärímasä ñamirë mejäkuma. ⁸Marí Jesúyarä gapu ümu boyorogue äärírá irirosü äärä. Irasírinä öärö pémasíri merä diayemarë iríníköärä!

Sugu surara gämewëjërögue waabu, igüya koretibire kámutagu, köme surírore säñakumi. Igü irirosüta maríde Jesúde buremurí merä, marí gáme maíri merä, wätíre igü maríre irire pirimakü iriduarire kámutarä! Surara igüya dipurure kámutagu, köme perore peyakumi. Igü irirosüta maríde, Jesús maríre taugu aariburire: “Diayeta aarigukumi”, äri masíri merä wätíre igü maríre: “Irasü waabirikoa”, ärigatorire kámutarä! ⁹Marípu maríre wajamoäbu meta beyepídi äärími. Marí ñerö iridea wajare marí Opü Jesucristo merä taubu, maríre beyepídi äärími. ¹⁰Jesús

Īgū merā āārīnīkōāburo, ārīgū, marīrē boabosadi āārīmī, marī ñerō iridea wajare wajarīgu. Irasirirā Īgū dupaturi aarimakū, Īgūrē būremurā boanerā, marī okarāde Īgū merā āārīnīkōārākoa. ¹¹ Irire gūñarā, musā irinīrōsū nemorō gāme iritamu, gūñaturamakū irika! Irasirirā Jesúre būremunemorākoa.

Pablo Jesúre būremurāre weretūnudea

¹² Guayarā, musārē turaro merā āsū ārī weredūakoa. Marī Opūya kerere musārē wererārē goepeyari merā ĩāka! Marī Opū ĩgūsārē musārē ōārō doreburo, ārīgū, beyepīdi āārīmī, musārē ōārō āārīrikūburire, ōārō irirīkūburire buedoregu. ¹³ Īgūsā musārē irire buerā, marī Opūyare ōārō irirā yāma. Īgūsā irasirimakū ĩārā, ĩgūsārē buro būremurī merā, buro maĩrī merā ĩāka! Gāme turīro marīrō ōārō āārīrikuka!

¹⁴ Guayarā, gajī musārē āsū ārī weredūakoa doja. Moādūamerārē moādoreka! Gūñaturamerārē gūñaturamakū irika! Jesúre būremuturamerārē iritamuka, ĩgūrē būremunemoburo, ārīrā! Āārīpererā merā guaro marīrō bopoñarī merā ōārō irika!

¹⁵ Musārē gajerā ñerō irimakū, ĩgūsārē gāmībirīkoaka! Ōārī gapure musāyarārē, āārīpererā gajerādere ōārō irinīkōāka!

¹⁶ Musā Jesúyarā āārīsīā, usūyari merā āārīnīkōāka! ¹⁷ Musā noó waaró, musā noó āārīrō, Marīpūre gūña, ĩgūrē musāya āārīburire sérēnīkōāka! ¹⁸ Musārē gajīnu ñerō waamakū, ōārō waamakūdere Marīpūre usūyari

sīnīkōāka! Marīpū, marī Jesucristore būremurārē irire irimakū gāāmēmi.

¹⁹ Ōāgū deyomarīgū, musā gūñarīgū ĩgū weremakū, irire kāmūtābirīkōāka! Īgū dorerire ōārō yūjuka! ²⁰ Sugū Jesúre būremugū Ōāgū deyomarīgū masīrī sīrī merā, Marīpū weredoredeare weremakū pérā, irire doo būridābirīkōāka!

²¹ Ubu gapū ĩgūsā weremakū, ōārō pékūinū, gūñaka! “¿Diayeta wererī?” ārī masīduarā, irasirika! Ōārī buerī āārīmakū, iri gapure irika! ²² Noó ñerī āārīmakū, irire irībirīkōāka!

²³ Marīpū siuñajārī merā āārīrikūmakū irīgu musārē ōārō, ñerī marīrō, ĩgū gāāmerī direta irīrikūmakū irīburo. Musā ñerī opābirīmakū, musāya gūñarīgū ōārī direta opāmakū, musāya dupurī merā ñerō irībirīmakū irīburo. Musārē waja opāmerā āārīmakū irīburo. Īgū irasirimakū, marī Opū Jesucristo dupaturi aarīgū, musārē waja opāmerā āārīmakū bokajāgukumi. ²⁴ Marīpū musārē ĩgūyarā āārīburo, ārīgū, beyepīdi, i āārīpererī ĩgū musārē: “Āsū irīgura”, ārīdeare diayeta irīgukumi.

Pablo ōādoretūnudea

²⁵ Guayarā, musāde Marīpūre guaya āārībūrire sérēbosaka!

²⁶ Āārīpererā iro marā Jesúre būremurārē, ĩgū marīrē maĩrōsūta maĩrī merā ōādoreka!

²⁷ Marī Opū Jesucristo dorerī merā i pūrē āārīpererā ĩgūrē būremurārē siu neeó, bue ĩmuka!

²⁸ Marī Opū Jesucristo musārē ōārō irītamūburo.

Iropāta āārā.
Pablo